

**AGENDRE FEMASO YESU**

MINGGU 26 APRIL 2026

**1. FANGOWAI BA FOGAONI**

*(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).*

- Fangowai** :  
**SA** : Ya'ami banua Zo'aya, No oi owulo ita oi faondra ba wa'owuawua dödö, me no maoso Zo'aya ya'ita Yesu Keriso moroi ba ngai zi mate. Andrö, ba dôi Yesu ma'owai Ami : Ya'ahowu, no maoso Keriso.  
**SATO** : Ya'ahowu !  
**SA** : Keriso So'aya, no maoso Keriso  
**SATO** : Duhu, no maoso Keriso.  
**SA** : Ya faofao khömi Lowalangi...  
**SATO** : Ya fao Khöu Geheha-Nia  
**Fogaoni** :  
**SA** : Da ta'owuawua'ö dödöda wangondrasi Yehowa, da ta'omusoi'ö dödöda ba Wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 8**

**8. MANUNÖ ITA KHÖ YEHOWA**

Lala : Khö-U, khö-U Yehowa Manunödo ( No. 7 )

do = bes 4/4

MM = 96 - 104

1. Manunö ita khö Yehowa me no Ya ' ia. Lowalangida.  
Lö ambö wa' abölö-Nia. Somasi Ia Ifalua sa.  
Ifa ' aso lala wangorifi si möi fangatulö' ö zamati.
2. Nisuno Lowalangi Ama, si lö manehe na taya ita.  
No Ifatenge Nono-Nia, salahida ba huku horöda.  
Afu auri zamati khö-Nia, da' ö duho wa' omasi-Nia.

**2. FANGA'ARO'Ö WA'OWULO (VOTUM)**

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):  
No owulo ita ba da'e ba dôi Lowalangi Ama, ba ba dôi nono-Nia Yesu Keriso, ba ba dôi Geheha Ni'amoni'ö. Fangorifida ha ba dôi Yehowa si no momböi banua si yawa awö danö.....

**SATO** : YADUHU

**SA** : Ba na lö mususugi Keriso, ba si lö boto wamatimi andrö, ba lö si tebulö ami ba horömi; Ba iada'e, ba no mususugi Keriso, moroi ba ngai zi mate.  
HALELUYA.....

**SA** : **Manunö** : BZ. : 452

HALELUYA....HALEYA.... HALELU...YA.....

**SA** : Mangandrö ita :  
He Yesu Keriso So'aya ya'aga, Sangorifi ösi gulidanö andre. Ma'andrö saohagölö khö-U me no Ölawä wa'abölö horö ba fa'amate ba wemaoso-Mö andrö. Iada'e lö sa'ae ata'u ndra'aga ba lumö wa'abölö wa'amate andrö, me no maoso Ndra'ugö ba wangorifi ya'aga. No alömö wa'amate andrö ba wemöna, No Ö'efa'ö ndra'aga ba wa'abölö zogömigömi ba no Ö'ohe ndra'aga ba haga. No Ö'efa'ö ndra'aga moroi ba wesu horö, irege tobali ndra'aga ono khö Lowalangi Ama. He Yesu Keriso no Öfaogö ndra'aga ba wa'amate-Mö ba tesusugi göi ndra'aga ba we maoso-Mö andrö, ma'andrö khö-U böi bulö'ö khöma howuhowu-Mö, me Ya'ugö zamatörö banua si

yawa awö danö i'otarai da'e irugi ba zi lö aetu. Yaduhu.

(Mudadao zato)

### 3. MANUNÖ moroi ba Mbuku Zinunö Numero 324

#### 324. HE YESU, RONGO WE' AOGU

Lala : Yesu Ha' ökhö U' andrö ( No. 213 )

do = g 4/4

MM = 88 - 96

1. He Yesu, rongo we' aogu, ngaröngarö dödögu.  
No oya wasöndratagu, ba lö fa' abölögu.  
Horö no ifasui ndra' o, tödögu ifa' alado  
tolo ndra' odo Yesu.
2. Era' era si tohöna awö wangisö nösi.  
Fatiusa ba fayawasa, ba fangosiwawöi.  
Da' ö zamabali ya' o wangomasi' ö Keriso,  
tolo ndra' odo Yesu.

### 4. FOMBASO TAROMA LI LOWALANGI FAMÖRÖGÖ (AF)

- : Da tafondrondrongo daroma Li Lowalangi, tehalö moroi ba zura I Nga'ötö  
16:28-36
- 28. Mibe'e khö Yehowa, ya'ami ngawalö soi niha, mibe'e khö Yehowa  
lakhömi ba fa'abölö.
- 29. Mibe'e khö Yehowa zumange döinia andrö; mi'ohe game'ela ba  
mi'ondrasi ia. Mi'angalulu khö Yehowa, mi'angehao, fangehao  
ni'amonio.
- 30. Mi'anizinizi fönania, dozi tanö! Noa göi i'aro'ö gölia uli danö, ba lö  
mangiwa.
- 31. Ya'omuso dödü mbanua si yawa ba ya'owuawua dödü guli danö, ba  
yalamane niha baero: No razo Yehowa!
- 32. Yamu'ugu'ugu nasi ba ösinia, yama'iki mbenua ba hadia ia fefu ba  
khönia.
- 33. Ba fefu döla geu sa'ae ba gatua, ba owuawua dödü föna Yehowa; so  
ia sa moroi sa, ba wanguhuku ösi guli danö.
- 34. Mi'andrö saoha gölö khö Yehowa, me no si sökhi tödü ia; me si lö  
aetu wa'ebua dödünia andrö.
- 35. Ba mimane: Tolo ndra'aga, Lowalangi, ya'ugö, sangorifi ya'aga, ba  
ozaragö ndra'aga ba efa'öga ba danga niha baero, ena'ö ma'andrö  
saoha gölö ba döimö andrö, ni'amonio, ba ena'ö masuno ndra'aga  
ba wanuno ya'ugö andrö.
- 36. Nisuno Yehowa, Lowalangi Ndraono Gizeraeli, götögötö wa'ara! Ba  
lamane sato fefu: Yaduhu! ba lasuno Yehowa.

Simanö daroma Li Lowalangi, da tatema'ö faoma sinunö: BZ.Numero  
114: 1

#### 114. NO MAOSO YESU SO'AYA <sup>1</sup>

do = f 4/4

MM = 96 - 104

1. No maoso Yesu So'aya, lewatö no Iröi.  
Umbu wa'auri sa Ia, ba sangorifi göi ba sangorifi göi

### 5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödüda. Na  
ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö  
andrö, ihaogö ita, awö wa'iheta fefu zilö atulö. Andrö da möi ita föna  
Lowalangi si fao fangidengide'ö ba wangombakha horöda, (muzizio ita

<sup>1</sup> Note : Nikolaus Herman 1554

fefu)

**Mangandrö ita :**

He So'aya ya'aga Yesu Keriso si mate ba röfa ba hili Gologata, ba si no maoso bangai zi mate. Faduhu dödöma ba daroma Li-Mö me Öwa'ö: “ Ya'odo wemaoso ba fa'auri, samati khö-Gu, ba auri, hewa'ae mate ia.” Ba hiza, ba lala wa'aurima seroma'ökhö asese ma'ositengagö ba ma'osilö'ögö Ndra'ugö So'aya, me ma'o'önifakhoi dödöma samösa. Bologö dödö-U khöma, ba be'e aefa khöma horöma andrö. Hakhösi dödö-U khöma So'aya, böi tehe tekiko, törötörö tödö-U wa'ebua dödö-U Awö wa'ahakhö dödö-U khöma. Böi bulö'ö ndra'aga moroi ba wa'omasi ba ba Wangorifi andrö si no Öhönagö ba zamati khö-U.....

- SATO** : Mangandrö ba dödö zamösana föna Lowalangi.....1 irugi 2 meniti.  
**SA** : Hakhösi dödö-U khöma Ama, ba be'e aefa khöma horöma andrö ma'afefu...Yaduhu.  
**SATO** : Manunö : BZ. Numero 224 : 1

**224. NA'UBINI'Ö HORÖGU KHÖ YESU**

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

- SA** : **Turia Wangefa horö** : “ Imane taroma Li Lowalangi : Ba no erege dödö-Gu öbe'e ba horöu andrö; no öfakao-Do olalöwamö. Ya'o, Ya'odo andre zamunu lalöu andrö, börö ndra'o, ba lö'ö sa'ae itörö tödö-Gu horöu. LAKHÖMI KHÖ LOWALANGI SI YAWA.....

- SATO** : Manunö:

**450. BA FA'ATULÖ BA GULIDANÖ**

do = d 4/4

MM = 74 – 84

1. Ba fa 'a tulö ba gulidanö ba niha ni'omasi 'ö andrö

(mudadao zato)

**7. FOMBASO TAROMA LI LOWALANGI NIBASO FÖNA HUHUUO (AB)**

- SA** : Fombaso taroma li Lowalangi föna huhuo tehalö moroi ba zura **II Korindro 7:8-10**

8. Ba he sa no ubusi dödömi ba zura andrö, ba lö'ö sa mangesa dödögu. Ba he no mangesa dödögu — u'ila sa, wa no abu dödömi, ba zura andrö, he lö arara  
 9. ba iada'e, ba no omuso dödögu, tenga sa me no abu dödömi, me no abu dödömi ba wamalalini era'era a'ine, dali sa Lowalangi, wa abu dödömi, ena'ö lö hadia ia zi te'ala ami khöma.  
 10. Lualua wa'abu dödö andrö sa, na dali Lowalangi, ba famalalini eraera, ba wangorifi ba mbanua furi, si lö mangesa dödö sa'ae, ba lualua wa'abu dödö niha guli danö andrö, ba fa'amate.

Ya'ahowu zamondrongo taroma Li Lowalangi ba Same badödö...

- SA+SATO** : Yaduhu

**8. FASÖMBATA**

- SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu sifao fangowuloi fasömbata Sanadrösa ba Panitia PHBG. Ba si föföna ua da tafondrongo Li Lowalangi me imane:  
 ❖ Ba da'ö niwa'ö-Gu: Na so zangatalisi tanömö, ba lö oya'oya ibasi, ba na so zi lö alimagö tanömö, ba oya göi ibasi dania. Ba balazi dödö zamösana; böi abu dödö, ba tenga ni forege; si no aoha gölö fame'e, da'ö sa zomasi Lowalangi. (II Korindro 9:6-7)

Tafa'ema wasömbata khö Lowalangi, manunö ita moroi ba Mbuku Zinunö  
Numero 302

### 302. OHAHAU SIBAI DÖDÖGU 1

do = f 3/4

MM = 96 - 104

1. Ohahau sibai dödögu, me to ' ele khögu Yesu.  
Nifatenge Lowalangi, sangorifi ya ' odo.
2. Yesu, Ono Lowalangi, salaŵagu ba So' aya.  
Khö-U ubè wasumangeta, me no Öhöli ndra' o.
3. Ba wekoligu ba danö, u' alui manö Ndra' ugö.  
Ba ahono sa dödögu, me ahatödo khö-Mö.
4. Lasuno' Ö mala' ika, si so ba lakhömi Nama.  
He niha ba gulidanö, oi lafosumange' Ö.
5. No aro wanötönagu, he na uröi gulidanö.  
So wa' auri si lö aetu, si lö tebulöbulö.

SA :

*Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö ( irama lagu ).Fatua lö möi ira wolohe föna, ba imane Sangai Agendre:)*

“Da tafasao wasömbatada andre föna Lowalangi,.....Muzizio ita fefu.....

Manunö ita moroi ba Mbuku Zinunö numero 261

### 261. YA'E ZUMANGE 2

do = d 4/4

MM = 62 - 68

**Ira'alawe**

1. Ya ' e zumange fa-sömbata, ma ' ohe sumange Yehowa.

**Iramatua**

*Reff*: Ma'andrö khö-U fa-ho-wu'ö zu-mange ni 'o- hema khö-Mö

2. Ya'e zumange fasömbata mabe'e soroi ba dödöma.

*Reff*: Ma'andrö khö-U ....

3. Ya'e zumange fasömbata buala si'otarai Nama.

*Reff*: Ma'andrö khö-U ....

4. Ya'e zumange fasömbata, boto, noso, ba fa'aurima

*Reff*: Ma'andrö khö-U ....

5. Ya'e zumange fasömbata, lö irugi zomasi dödö-U.

*Reff*: Ma'andrö khö-U ....

6. Ya'e zumange fasömbata, ma'aghasi gölö Zo'aya.

*Reff*: Ma'andrö khö-U ....

**FANGANDRÖ** : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*) **Mudadao Zato**

### 9. KOOR/VOKAL GROUP

SA : Da tafaogö dödöda ba wanuno Lowalangi faoma sinunö ni'olohesi:

Koor ba Vokal Group

- a. Koor Jemaat
- b. Koremda
- c.
- d.

### 10. MANUNÖ

SA : Da tafa'anö dödöda wamondrongo taroma Li Lowalangi, manunö ita moroi Ba Mbuku Zinunö **numero 163**

## 163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma'ökhö ba si'ogötö'ö lö sa mamalö. Taroma li-Mö si möi fangabölö utema'ö soroi ba dödö, tolo ba wolo 'ö.

## 11. HUHUA SEBUA

SH

- : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi *Halōwō Zinenge / Kisah Para Rasul 2:22-28 (Tuho: Somuso Tōdō ba Sowuawua Tōdō Ndra'o / Hatiku Bersukacita dan Jiwaku Bersorak-sorak)*
  - b. Fanuriaigö
  - c. Nitano ba dödö. *Halōwō Zinenge / Kisah Para Rasul 2:28 (Na'ō'ombakha'ō khōgu lala ba wa'auri. Ōhōna khōgu wa'omuso dodo tanō föna-U." / Engkau memberitahukan kepadaku jalan kehidupan; Engkau akan melimpahi aku dengan sukacita di hadapan-Mu.)*
  - d. Fangandrö Fanga'aro'ö huhuo

SATO

- : Manunö : BZ. Numero 154 : 1

154. NO MAFONDRONDRONGO LIU<sup>3</sup>

do = es 4/4

MM = 96 - 104

1. No mafondrondrongo li-U, Lowalangi So 'aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö niwa 'ö-U.

## 12. TUHO WAMATI

SA

- : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

SA+SATO

- : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
- ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
- ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. **ANGOMBAKHATA BA MBANUA NIHA KERISO**

**SA** : Da tafondrongong gangombakhata:.....

**MANUNÖ**

**SA** : Manunö ita moroi ba Mbuku Zinunö **numero: 326 Ayati 1-2**

**326. YESU SO' AYA WE' EWE' EDA**

Lala : Na so ba Khöda Yesu ( No. 325 )

do = g 3/4

MM = 96 - 104

1. Yesu So ' aya we ' ewe ' eda, awöda Ia ba wasöndrata.  
Ilumö ' ö ita, Ibè wemöna.  
Na lö faröi ita götö wa ' ara.
2. Talulu ita nifaeri-Nia, afu atulö lala döröwa.  
Itolo sa ita, fa lö te' ala.  
Irege tarugi zo' ahonoa.

15. **FANGANDRÖ SALAHI + FAMATENGE + HOWUHOWU**

**SH** : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

**SH + SATO** : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

**SH** : **FAMATENGE + HOWUHOWU :**  
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :  
❖ Ya mufahowu'ö ami/ita Lowalangi, Ya murorogö ami/ita  
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda  
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

**SATO** : Manunö BZ.Numero **326 ayati 3**

**326. YESU SO' AYA WE' EWE' EDA**

Lala : Na so ba Khöda Yesu ( No. 325 )

do = g 3/4

MM = 96 - 104

3. Fatele ita ba döi Zo' aya, me oya nudu fasui ya' ita.  
Taroma li-Nia wangabölöda.  
Da' ö wangönada ba wasöndrata.

**SH** : YA'AHOWU

**SATO** : YA'AHOWU